

## INSCNE &amp; DEILBHÍOCHT AN AINMFHOCAIL

**8.1** Is **ainm(fhocal) nithiúil** ainm duine nó ainm aon ní is féidir a mhothú le haon cheann de na céadfai. Seo na saghsanna ainmneacha nithiúla atá ann

□ **ainm dílis** (ainm ar leith ar dhuine nó rud indibhidiúil nó ar áit) *Seán; Corcaigh;*

*Bran; an Lúireach Pádraig*

□ **ainm coitianta** (ainm a thugtar ar gach aonad d'aicme) *fear; ubh; cathair; cat*

Is féidir le bunchéim aidiachta feidhmiú mar ghnáth-ainmfhocal: *ní thuigeann an sách don seang; ní théann fial go hlfreann*. Féach freisin *an t-ochslaíoch, an coinníallach, an t-íolra, an tAtlantach*, etc. agus na foirmeacha *íolra na bochta, na huaisle*.

□ **ainm ábhair** (ainm a insíonn cén t-ábhar atá i rud) *siúcra; plúr; caoireoil*

□ **cnuasaainm** (ainm a thugtar ar ghrúpa aonad den aicme chéanna) *tréad; scuaine;*

*foireann*

**8.2** Is **ainm(fhocal) teibí** ainm cáilíochta, staide nó gnímh. Seo na saghsanna ainmneacha teibí atá ann

□ **ainm teibí gnách** *maítheas; ciúnas; gluaiseacht*.

□ **ainm teibí céime** *laghad; ciúine; fearúla*.

## INSCNE &amp; GNÉAS

**8.3** Comharthaí gur **baininsneach** (seachas firinsneach) atá an t-ainmfhocal is ea

□ *na* mar alt roimhe sa ghinideach uatha: *bróg na mná*

Focal eisceachtúil is ea *talamh* de bhrí go mbíonn sé firinsneach agus baininsneach araon sa ghinideach uatha amháin: *an talaimh, na talún*.

□ séimhiú ar aidiacht aitreabúideach (go hiondúil) a cháilíonn é san ainmneach uatha:

*cos bheag*

□ séimhiú ar an ainmfhocal ar lorg an ailt san ainmneach uatha (go hiondúil): *an bhó*.

## Ainmneacha Daoine

**8.4** Freagraíonn inscne agus gnéas dá chéile i gcás ainmneacha dílse pearsanta.

Baininscneach atá ainmneacha pearsanta ban; firinscneach ainmneacha pearsanta fear: *Máire bheag*; *Eibhlín bhocht*; *Oscar cróga*; *Pádraig mór*

**8.5** Freagraíonn inscne agus gnéas dá chéile i gcás bhunáite na n-ainmfhocal coitianta a thagraíonn don duine. Is baininscneach *iníon*, *máthair*, *bean*, etc.; firinscneach *mac*, *athair*, *fear*, etc. Focail eisceachtúla is ea na focail bhaininscneacha *cléir*, *gasóg*, *scológ*, agus na focail fhirinscneacha *cailín*, *gearrchaile*.

**8.6** Ainmfhocail a thagraíonn do dhaoine den dá ghnéas féadann siad a bheith baininscneach: *beirt*; *comharsa*; *gealt*; *lánúin*; nó firinscneach: *amhránaí*; *cara*; *duine*; *triúr*.

**8.7** Nuair nach mbíonn focal ar leith ann chuige cuirtear an gnéas in iúl trí

□ *fear*, *bean*, *buachaill*, *cailín* a chur roimh an ainmfhocal: *fear siúil*; *bean tí*; *buachaill báire*; *cailín aimsire*

□ *fir*, *mná*, *mic*, *iníne* a chur mar ghinideach comhaisnéise ar lorg an ainmfhocal: *páiste fir*; *baintreach fir*; *dochtúir mná*; *páiste mic*; *leanbh iníne*

□ an réimír *ban-* a chur roimh ainmfhocal a léiríonn gnéas fireann ann féin: *banóglach* (*f*); *banphrionsa* (*f*); *bantiarna* (*b*). Féach freisin **8.30**.

## Ainmneacha Ainmhithe

**8.8** Maidir leis na hainmhithe tí nó feirme is gnách go bhfreagraíonn inscne agus gnéas dá chéile. Baininscneach atá *lacha*, *caora*, *bó*, etc; firinscneach atá *bardal*, *reithe*, *tarbh*, etc.

Focail eisceachtúla is ea an t-ainm baininscneach *stail*, agus an t-ainm firinscneach *gabhar* (a sheasann don ainmhí baineann go hiondúil, agus *poc gabhair* don fhireannach).

**8.9** Tá ainmfhocail ann a thagraíonn d'ainmhithe den dá ghnéas: *asal*; *capall*; *cat*; *madra*; agus (san iolra amháin) *caoirigh*; *cearca*; *géanna*; *lachain*.

**8.10** Maidir leis na hainmhithe fiáine (nó éin nó éisc fhiáine) ní gnách na gnéasanna a aithint ó chéile ach i gcorrfhocal mar *eilit* (fia baineann). Baininsneach atá cuid de na hainmneacha: *luch*; *druid*; *faocha*; *eascann*; firinsneach atá cuid eile acu: *coinín*; *préachán*; *ronnach*; *portán*.

**8.11** Má theastaíonn aithint idir ghnéasanna na n-ainmhithe (cibé acu ceansa nó allta iad) nuair nach bhfuil ainm ar leith ann chuige, déantar

□ aidiacht a chur leis: *lao baineann*; *sionnach fireann*

□ ginideach comhaisnéise a úsáid: *láir asail*; *stail asail*; *cearc thurcaí*; *uan caorach*; *uan reithe*; *poc gabhair*

□ múnla éigin eile a úsáid: *coileach fraoich*; *pocfhia*; *scadán eochraí* (baineann); *scadán lábáin* (fireann); *fearchat*.

Féach freisin **13.20-21**.

## **8.12 Inscne i gcás focail eile**

Baininsneach atá a lán ainmfhocal sna cásanna seo a leanas

□ formhór mór na n-ilchríoch, na dtíortha agus na n-aibhneacha: *Roinn na hEorpa*; *trasna na Gearmáine*; *béal na Sionainne*

□ formhór na n-ainmfhocal a bhaineann leis an gcolainn: *aghaidh*; *cos*; *lámh*; *méar*; *scamhóg*, etc. Ach firinsneach atá cuid acu: *béal*; *ceann*; *croí*; *droim*; *muineál*, etc.

□ ainmneacha teangacha: *Gaeilge*; *Laidin*; *Gréigis*, etc. (*Eisceacht*: Tá *Béarla* firinsneach.)

## **NA DÍOCHLAONTAÍ**

**8.13** Is í foirm an ainmnigh uatha foirm bhunaidh an ainmfhocail. Is í a infhilltear chun na foirmeacha eile a chumadh.

Tá cúig phríomhshlí ann chun ainmfhocail a infhillleadh nó a dhíochlaonadh. Na cúig dhíochlaonadh a thugtar orthu. Is é modh infhillte an ghinidigh uatha a chinneann cé acu díochlaonadh a bhfuil an t-ainmfhocal ann. Seo foircinn na gcúig dhíochlaonadh san ainmneach uatha agus sa ghinideach uatha.

uimhir an díochlaonta	foirceann an ain. u.	foirceann an ghin. u.	samplaí
1	consan leathan	consan caol	<i>bád, báid</i>
2	consan	-e, -í	<i>cos, coise</i> <i>curach, curai</i>
3	consan	-a	<i>am, ama</i>
4	guta nó consan	Ní infhilltear	<i>rí, rí</i> <i>cailín, cailín</i>
5	guta nó consan caol	consan leathan	<i>lacha, lachan</i> <i>bráid, brád</i>

**8.14** Tá dornán ainmfhocal ann nach mbaineann le haon cheann de na cúig dhíochlaonadh. Ainmfhocail neamhrialta a thugtar orthu.

**8.15** Tá ainmfhocail ann atá ar aon fhoirm le hainmneacha briathartha. Díochlaontar cuid acu de réir ceann éigin de chúig dhíochlaonadh an ainmfhocail. Ach tá díochlaonadh dá gcuid féin ag a lán eile acu (**8.44**).

## Foirceann agus Inscne

**8.16** Is minic a chuireann foirceann agus inscne an ainmfhocail in iúl cad é an dfochlaonadh lena mbaineann an t-ainmfhocal. Os a choinne sin más eol an foirceann agus uimhir an dfochlaonta is minic, dá bharr sin, gurb eol an inscne. Tá na príomhchásanna breactha anseo thíos.

**An Chéad Dfochlaonadh** Tá ainmfhocail uile an dfochlaonta seo firinsneach, agus consan leathan (de réir an litrithe) is foirceann dóibh. Orthu sin tá ainmfhocail dar críoch *-adh* (mura foirm ainm bhriathartha atá orthu), *-án*, *-ch* (firinsneach), *-éad*, *-éal*, *-éan*, *-éar*, *-s*, *-ún*, *-úr*: *samhradh*; *dán*; *each*; *céad*; *néal*; *éan*; *féar*; *tíos*; *dún*; *túr*.

**An Dara Dfochlaonadh** Ainmfhocail bhaininsneacha iad uile ach fíor-chorrcheann. Consan is foirceann dóibh. Orthu sin tá ainmfhocail dar críoch *-ch* (baininsneach), *-ilt*, *-is*, *-lann*, *-óg* : *sceach*; *oscailt*; *Gréigis*; *foclann*; *bróg*.

Ní dhíochlaontar ainmneacha dílse fearnaomh a chríochnaíonn ar *-óg*: *bachall Dochiaróg*.

**An Tríú Dfochlaonadh** Consan is críoch dóibh. Orthu sin tá

□ ainmfhocail den dá inscne dar críoch *-cht*; *mallacht (b)*, *bantracht (b)*, *léacht (b)*, *locht (f)*;

□ ilsiollaí baininsneacha dar críoch *-áil*, *-aint*, *-áint*, *-chan*, *-íl*, *-irt*, *-úil*, *-úint*: *ofráil*; *cosaint*; *tiomáint*; *buachan*; *feadaíl*; *íobairt*; *banúil*; *canúint*;

□ ilsiollaí firinsneacha dar críoch *-aeir*, *-éir*, *-eoir*, *-óir*, *-úir*: *grósaer*, *tincéir*; *feirmeoir*; *bádóir*; *táilliúir*.

**An Ceathrú Dfochlaonadh** Formhór na n-ainmfhocail dar críoch guta agus roinnt eile dar críoch consan. Orthu sin tá

□ ainmneacha coitianta daoine (firinsneach a bhformhór) dar críoch *-a*, *-í*, *-ire*: *garda*, *rí*, *cigire*

□ ainmfhocal dar críoch *-ín* (firinsneach de ghnáth, ach féach 8.31)

□ ainmneacha teibí (baininsneach go hiondúil): *amaidí; gile; uireasa*

□ mórán ainmfhocal den dá inscne dar críoch *-e*: *paiste (f); gloine (b)*

□ ainmfhocail fhirinsneacha éagsúla dar críoch consan: *bus, máistir*.

**An Cúigiú Díochlaonadh** Is baininsneach dá mbunús. Consan caol nó guta is críoch dóibh: *lasair (b); cara (f)*.

### Díochlaonadh an Ainm Dhílis Phearsanta

**8.17** Is gnách an t-ainm dílis pearsanta a dhíochlaonadh mar seo a leanas

□ ainmneacha fear (iad go léir firinsneach)

•sa chéad díochlaonadh atá bunáite na n-ainmneacha dar críoch

consan leathan: *Seán; Séamas*

•tá corrainm sa tríú díochlaonadh: *Críostóir; Diarmaid; Iarlaith; Mathúin*

•sa cheathrú díochlaonadh atá formhór mór na n-ainmneacha dar

críoch consan caol nó guta: *Eoin; Pádraig; Ruairí*; agus corrcheann eile: *Liam*;

*Uileag*.

□ ainmneacha ban (iad go léir baininsneach)

•sa dara díochlaonadh atá *Aifric; Bríd; Mór; Méabh; Muireann*

•sa cheathrú díochlaonadh anois atá formhór mór na n-ainmneacha eile:

*Bláthnaid; Cáit; Eilís; Maighréad; Nóra; Sinéad; Siobhán*.

### Díochlaonadh na Sloinnte Ainmfhoclacha

**8.18** An chuid den seansloinne Gaelach a leanann *Ó, Mac*, is iondúil gur ginideach nó dhá ghinideach í, agus í infhillte de réir ceann de na cúig dhíochlaonadh.

1 *Ó Néill; Mac Cárthaigh; Mac an Bhaird*.

- 2      *Ó Duinnshléibhe; Ó Maolchraoibhe.*
  - 3      *Ó hAonghasa; Mac Diarmada.*
  - 4      *Ó Gallchóir; Mac Eoin; Mac an tSaoi.*
  - 5      *Ó Colgan; Mac Gabhann* (seanghinideach ar *gabha* is ea *gabhann*).
- 4 agus 2. *Mac Giolla Bhríde.*

Sa cheathrú díochlaonadh atá formhór na sloinnte eile nach sloinnte aidiachtacha: *Cétinn; de Búrca; Feirtéir.*

### **An Tabharthach Uatha**

**8.19** Is gnách gurb ionann foirceann don tabharthach uatha agus don ainmneach uatha: *is cuach í, den chuach*. Tá tabharthach uatha faoi leith ag dornán focal den dara díochlaonadh (8.35).

### **An Gairmeach Uatha**

**8.20** Is iondúil gurb ionann foirceann an ghairmigh uatha agus foirceann an ghinidigh uatha sa chéad díochlaonadh: *teach Sheáin; a Sheáin*.

Ní gnách, áfach, infhillleadh sa ghairmeach uatha

□ ar chnuasainm: *a phobal*

□ má tá brí mheafarach nó brí ceana i gceist: *a cheann cipín; a rún; a stór*

□ má tá ginideach cinnte faoi réir aige: *a mhac Iósaif; a scáthán an chirt*. Ach *a Mhic*

*Dé*.

**8.21** I ngach dfochlaonadh eile agus sna hainmfhocail neamhrialta is ionann foirceann an ghairmigh uatha agus foirceann an ainmnigh uatha: *a ghasóg; a bhuachaill; a rí; a chara; a bhean; a Bhríd*.

## An tIolra

**8.22** Deirtear go bhfuil iolra an ainmfhocail *tréan* nó *lag* de réir mar atá foirmeacha na dtuiseal iolra ar aon fhoirceann nó nach bhfuil.

**8.23** Seo iad na cásanna ina bhfuil an t-iolra lag (an t-ainmneach uatha agus/nó uimhir an dfochlaonta faoi lúibíní)

□ más consan caol is críoch don ainmneach iolra: *báid (bád, 1); marcaigh (marcach, 1); tairbh (tarbh 1); caoirigh (caora, 5); faochain (faocha, 5); lachain (lacha, 5)*

□ má chumtar an t-ainmneach iolra trí *-a* a chur leis an ainmneach uatha: *bruasa (1); úlla (1); cosa (2); géaga (2); fearta (3); tréada (3); bruacha (4); neacha (4)*.

Is lagiolraí freisin *beanna (binn, 2); deora (deoir, 2); ealaíona (ealaín, 2); seoda (seoid, 2); ainimhe (ainimh, 2); dúile (dúil, 2); glúine (glúin, 2); súile (súil, 2); ba (bó, 4); grásta (grásta, 4); mná (bean); uí (ua, ó)*.

**8.24** Tréaniolraí atá ann sna cásanna eile. Is iad na cinn is coitianta na hiolraí ina bhfuil

□ coimriú: *briathra (briathar, 1); dabhcha (dabhach, 2); gamhna (gamhain, 3)*

□ leathnú: *cealla (cill, 2); flatha (flaith, 3)*

□ athrú guta: *sceana (scian, 2); sleasa (slios, 3)*

□ *a* (ar lorg consain nach bhfuil san ainmneach) *e, í*, ina dheireadh: *tréithe (tréith, 2); coillte (coill, 2); ríthe (rí, 4); bádóirí (bádóir, 3); bearnaí (bearna, 4); cistí (ciste, 4); tríochaidí (tríocha, 5); ceolta (ceol, 1); glórtha (glór, 1); áiteanna (áit, 2); craobhacha (craobh, 2); ceathrúna (ceathrú, 5).*



**8.25** Is ionann foirm do thabharthach an lagiolra agus d'ainmneach an lagiolra: *na fir; ar na fir.*

**8.26** Seo mar a dhéantar **ginideach iolra an lagiolra**:

□ más consan caol is críoch don ainmneach iolra, é a leathnú: *bád; marcach; tarbh; faochan; lachan.*

Eisceacht: *caorach* is ginideach uatha agus iolra do *caora*.

□ más guta is críoch don ainmneach iolra, is ionann foirceann an ghinidigh iolra agus foirceann an ainmnigh uatha (arna leathnú más gá): *bruas; úll; cos; géag; feart; tréad; bruach; neach; beann; deor; ealaíon; seod; aineamh; dúl; glún; súl; bó; ua.*

Eisceachtaí: *grást, ban* is ginideach iolra do *grásta, bean*.

**8.27** Seo mar a dhéantar **gairmeach an lagiolra**:

□ más consan is críoch don ainmneach iolra, *a* a chur leis an nginideach iolra: *a bháda; a mharcacha; a chaoracha; a lachana.*

□ is ionann foirceann don ghairmeach iolra agus don ainmneach iolra dar críoch guta: *a bheanna; a mhná.*

## Díochlaonadh an Ainmfhocail Dhíorthaithe

**8.28** Focal díorthaithe a thugtar ar fhocal a chumtar nuair a chuirtear le chéile dhá fhocal, nó focal agus iarmhír nó focal agus réimír. Más dhá fhocal a chuirtear le chéile tugtar comhfhocal ar an bhfocal nua. Uaireanta tugtar comhfhocal ar aon fhocal díorthaithe.

**8.29** Is iondúil gurb í an mhír dheireanach d'ainmfhocal díorthaithe a chinneann a inscne agus a infhilleadh. Is ionaann inscne agus infhilleadh do gach focal de na péirí seo a leanas:

□ *caint, cúlchaint; leabhar, lámhleabhar; prionsa, banphrionsa; reacht, bunreacht*

□ *cara, eascara; rá, comhrá; smacht, ansmacht*

□ *céimí, ionadaí; dlíodóir, spealadóir.*

Ní gnách samplaí d'ainmfhocail dhforthaithe a thabhairt sna liostaí a ghabhann leis na dfochlaontaí éagsúla, ach amháin nuair a bhíonn iarmhír mar fhoirceann (*céimí*, etc. thuas). Más ainmfhocal aonsiollach an mhír dheireanach d'ainmfhocal dhforthaithe ní mór an focal iomlán a infhillleadh mar a bheadh aonsiolla ann. Mar shampla, is mar aonsiollaí a infhilltear *ardrí*, *drochspéir*, *léarscáil*, *sailchuach*, *seandún*. Ní thagann focail mar sin faoi réir na rialacha a bhaineann le hinscne agus le hinfhillleadh **ilsiollaí** de ghnáth.

**8.30** Tá a n-inscne féin nó a n-infhillleadh féin ag dornán d'ainmfhocail dhforthaithe:

□ i gcás *ciondái*, *comhdháil*, *éigeandái*, *macasamhail*, is iad *ciondálacha*, *comhdhálacha*, *éigeandálacha*, *macasamhla* na hiolraí cé gur *dálaí*, *samhlacha* is iolraí do *dái*, *samhail*.

□ is baininscneach do *banab*, *bantiarna*, *banaltra* ainneoin gur firinscneach do *ab*, *tiarna*, *altra*.

### Ainmfhocail Dhforthaithe dar Críoch -ín

**8.31** Is iondúil gur baininscneach san ainmneach agus sa tabharthach uatha d'fhocal dhforthaithe dar críoch -ín más ainmfhocal coitianta baininscneach an focal bunaidh: *faigh an láirín bhán*; *ar an óinsín chéanna*. Ach má tá brí ar leith leis an bhfocal dhforthaithe, seachas díspeagadh ar an mbunfhocal, tá sé firinscneach: *an paidrín páirteach*; *sceidín práta*; *cluaisín bróige*.

Is firinscneach do na focail sin sna tuisil eile: *cosa an láirín bháin*; *suigh, a óinsín bhig*.

Is firinscneach i ngach tuiséal do na focail *cailín*, *coinín*, *gasóigín*, *paidrín*, *toitín*, *scolóigín*.

Is baininscneach i ngach tuiséal d'ainmneacha dílse baineannach dar críoch -ín: *Brídín*, *Máirín*, etc.

**8.32** Sa chuid eile den chaibidil seo ní thugtar de ghnáth ach an t-ainmneach uatha, an ginideach uatha (lasmuigh den cheathrú dfochlaonadh), an t-ainmneach iolra, agus (i gcás iolraí laga) an ginideach iolra: agus is san ord sin a thugtar iad. Is furasta na tuisil eile a

aimsiú as na teoracha atá sa chéad chuid den chaibidil. Tá táblaí in **11.17** ina léirítear díochlaonadh an ailt agus an ainmfhocail agus na haidiachta le chéile.

Is iomaí ainmfhocal nach dual dó iolra a bheith aige (mórán ainmneacha ábhair agus ainmneacha teibí, mar shampla). Ní gnách é sin a chur in iúl sna liostaí. I gcás focail mar sin úsáidtear focal mar *sórt* nó *cineál* + ginideach uatha an ainmfhocail mar iolra: *trí chineál siúcra (coirce, umhlaíochta)*.

## AN CHÉAD DÍOCHLAONADH

**8.33** Caolaítear an t-ainmneach uatha chun an ginideach uatha a dhéanamh. De réir rialacha **6.2** a dhéantar an caolú de ghnáth. Seo na pointí leithleacha

□ déantar *-i-* de *-ea-* i gcoitinne: *fear, fír*.

□ déantar *-éi-* de *-ia-* in aonsiollaí i gcoitinne: *cliabh, cléibh*.

□ déantar *-gh* de *-ch* i ndeireadh an fhocail i gcoitinne: *marcach, marcaigh; cléireach, cléirigh; dúch, dúigh*. Tá dornán d'aonsiollaí eisceachtúla ann áfach.

Is iad seo a leanas na príomh-infhillteacha:

	<i>ain. u.</i>	<i>gin. u.</i>	<i>ain. iol.</i>	<i>gin. iol.</i>
1	crann	crainn	crainn	crann
2	úll	úill	úlla	úll
3	ceol	ceoil	ceolta	
4	glór	glóir	glórtha	
5	orlach	orlaigh	orlaí	
6	cogadh	cogaidh	cogaí	
7	bás	báis	básanna	

*I ngach ceann de na seacht liosta seo a leanas infhilltear gach focal mar a infhilltear an focal a bhfuil cló trom air ag barr an liosta.*

## 1 crann:

□ *aonsiollaí*: abhac, alt, arm, bád, ball, banbh, béal, bonn, bord, brat, breac, Brian (*gin. Briain*), broc, carn, cat, ceann, clár, cliabh, cliant (*gin. u., ain. iol. cliaint*), clog, cnoc, colm, corn, corp, craos, dall, daol, daor, déach, dlúth, dúch, éan, fiach (= seilg *gin. u., ain. iol. fiaigh*), fód, fraoch (*gin. u. fraoigh*), gabhar, gadhar, Gael, gas, gás, glas, gort, iasc, leabhar, mac (*gin. u., ain. iol. mic*), maor, meadhg (*gin. u., meidhg*), mol, naomh, ord, peann, poc, poll, port, post, punt, roc, sac, scolb, scór (*eang*), seabhac, sop, stát, tarbh, tor, uan

□ *ilsiollaí dar críoch* -án, -éad, -éal, -éan, -éar, -íoch, -s (*leathan*), -ún, -úr: cosán, blaincéad, buidéal, fíréan, páipéar, gaiscíoch, oideas, galún, casúr, *etc. Le díochlaontaí eile a bhaineann corr-ainmfhocail firinsneach dar críoch -s leathan.*

□ *ilsiollaí dar críoch* -ach: bairneach, biseach, brollach, cabhlach, Caitliceach, ceannach, cléireach, clúdach, cnuasach, cuardach, deatach, Domhnach, fásach, féarach, gearrcach, iascach, mianach, misneach, réiteach, ronnach, Sasanach, smólach, teaghlach, teallach, *etc. agus ainmfhocail arb ionann a bhfoirm agus foirm aidiachta*: tairiseach, táscach, *etc.*

□ *na huimhreacha* triúr, ceathrar, ... deichniúr, milliún.

□ *mórán ilsiollaí eile*: acadamh, aspal, dearmad, easpag, éigean, focal, foirgneamh, fómhár, galar, gandal, iarann, imeall, iolar, ionad, miotal, misean, muineál (*gin. u., ain. iol. muiníl*), pinsean, sagart, scamall, sinsear, sóisear, *etc.*

2 **úll** ard, barr, beart, bruas, cág, caonach, ceap, ceart, cleas, cnag, cneas, cor, cuas, cuibhreach, déad, each (*gin. u. eich*), earc (*gin. u. eirc*), féar, fiach (= éan *gin. u. fiaigh*), fiach (= airgead atá dlite ó dhuine *gin. u. féich*), fial, fras, giall, gob, fol, léamh, liach (= osna *gin. u. liach*), lúth, maoileann, maol, más, nod, riasc, sábh, séan, slán, tásc, tús, *etc.*

**3 ceol** aonsiollaí ina bhfuil guta fada nó défhoghar agus dar críoch -l, -n de ghnáth: ál, aol, aon, bán, baol, braon, caol, céad, claon, cuan, dán, díon, dún, fál, faol, gaol, geall, léan, líon, lon, lón, meall, míol, néal, raon, rian (*gin. u. riain*), rón, saol, scéal, seál, seol, síol, siúl, sleán, srian (*gin. u. sriain*), stól, trian (*gin. u. triain*).

**4 glór** múr, pór, scór (*fiche*), stór, tuar.

**5 orlach** ártach, bealach, cladach, éadach, mullach, soitheach.

**6 cogadh** áladh, angadh, bealadh, boladh, bunadh, caladh, coinmheadh, confadh, cotadh, crábhadh, cuireadh, deabhadh, deascadh, deireadh, fionnadh, fosadh, foscadh, gaorthadh, geimhreadh, ionadh, ionradh, magadh, margadh, rabhadh, samhadh, samhradh, silleadh, siorradh, sitheadh, spionnadh, tinfeadh, troscadh, tuismeadh.

*Ach maidir le hainmfhocail dar críoch -adh, agus a dhíorthaítear ó bhriathra (cleachtadh, díspeagadh, seoladh, etc.) féach 8.44.*

**7 bás** blás, blús, bun, cab, carr, cás, ciúb, clab, corr (*cúinne, ciumhais*), dos, frog, gléas, gnás, gnéas, luas, marc, nós, pas, ponc, rós, sás, sos, spás, spórt, stad, taobh, tasc, etc.

#### *Tréaniolraí éagsúla*

aonach, aontáí; balse, -aí; cúram, cúraimí; figiúr, figiúirí; leanbh, leanaí; soláthar, soláthairtí; toradh, torthaí

leigheas, leigheasanna; praghas, praghsanna; saghas, saghsanna

bóthar, bóithre; cloigeann, cloigne; craiceann, craicne; doras, doirse; dorn, doirne; éigeas,

éigse; leiceann, leicne; solas, soilse

cineál, -acha; coinnfoll, -acha; leagan, -acha; léas (*solas*), -acha; tobar, toibreacha

claíomh, claímhte; drámh, dráite; mámh, máite; muileann, muilte; scaitheamh, scaití;

smaoineamh, smaointe; talamh, *gin. u. talaimh (f)* nó talún (*b*), *iol. tailte*

breitheamh, breithiúna; fealsamh, fealsúna; ollamh, ollúna; briathar, briathra; gníomh, -artha;

laoch, *gin. u. laoi*ch, *iol. -ra*.

## AN DARA DÍOCHLAONADH

**8.34** Ainnneacha baininscneacha atá sa díochlaonadh seo taobh amuigh de chorrcheann firinscneach, *im*, *slabh*, *teach*.

Seo mar a chumtar an ginideach uatha ón ainmneach uatha de ghnáth:

- cuirtear *e* le focail dar críoch consan caol: *áit*, *áite*
- déantar *-í* den fhoirceann *-each* in ilsiollaí: *girseach*, *girsí*
- déantar *-aí* den fhoirceann *-ach* ar lorg consain in ilsiollaí: *scomach*, *scomaí*
- i gcás focail eile dar críoch consan leathan caolaítear an fhoirceann de réir rialacha

**6.2** agus cuirtear *e* leis. Le linn an chaolaithe

- déantar *-i-* de *-ea-* in ilsiollaí: *bruinneall*, *bruinille*
- déantar *-ei-* de *-ea-* in aonsiollaí: *sceach*, *sceiche*
- déantar *-éi-* de *-ia-*: *pian*, *péine*.

**8.35 An Tabharthach** Tá cúig ainmfhocal (*bos*, *bróg*, *cluas*, *cos*, *lámh*) agus úsáidtear tabharthach uatha ar leith (*bois*, *bróig*, *cluais*, *cois*, *láimh*) leo i gcónaí. Foirm an tabharthaigh sin a úsáidtear ar lorg *dhá* freisin, i ngach tuiseal seachas an ginideach iolra de na cúig ainmfhocal sin.

Úsáidtear tabharthach ar leith fosta i gcorrphrása seanbhunaithe: *bolg le gréin* (tabh. ar *grian*); *cur i gcéill* (tabh. ar *ciall*); *ar (faoi, go, i) leith* (tabh. ar *leath*); *thar toinn* (tabh. ar *tonn*); *de (faoi do, faoi mo, etc.) réir* (tabh. ar *riar*); *i gcrích* (tabh. ar *críoch*); *i bhfeirg* (tabh. ar *fearg*); *le cois* (tabh. ar *cos*); *ar láimh* (tabh. ar *lámh*).

Is féidir tabharthach uatha leithreach d'aon ainmfhocal dar críoch consan leathan a úsáid sa díochlaonadh seo. Déantar an t-ainmneach uatha a chaolí díreach mar a dhéantar chun an ginideach uatha a chumadh sa chéad díochlaonadh: *fuinneog*, *girsí gh-péin*, *slat*, etc., in ionad *fuinneog*, *girseach*, *pian*, *slat*, etc.

**8.36** Is iad seo a leanas na príomh-inhillteacha:

	<i>ain. u.</i>	<i>gin. u.</i>	<i>ain. iol.</i>	<i>gin. iol.</i>
1	girseach	girsí	girseacha	girseach
2	scornach	scomaí	scornacha	scornach
3	clann	clainne	clanna	clann
4	binn	binne	beanna	beann
5	súil	súile	súile	súl
6	cill	cille	cealla	ceall
7	breab	breibe		breabanna
8	áit	áite		áiteanna
9	pingin	pingine		pinginí
10	craobh	craoibhe		craobhacha
11	feirm	feirme		feirmeacha
12	pian	péine		pianta
13	coill	coille		coillte
14	tír	tíre		tíortha

*I ngach ceann de na ceithre liosta dhéag seo a leanas, infhilltear gach focal mar a infhilltear an focal a bhfuil cló trom air ag barr an liosta:*

- girseach:** *ilsiollaí dar críoch: -each:* báinseach, báisteach, breicneach, brionglóideach, bruitneach, cailleadh, cláirseach, méileach, minseach, praiseach, raithneach, seisreach, tintreach, toirneach
- scornach:** *ilsiollaí dar críoch -ach:* abhantrach, amhastrach, ceapach, cneadach, curach, eangach, gallúnach, gamhnach, gealach, giolcach, glóthach, gríosach, lathach
- clann:**  
*□ focail dar críoch -lann, -eog, -óg:* leabharlann, fuiseog, bróg

□ adharc, bachall, blonag, bos, bréag, bruinneall, bunóc, caor, cealg, cearc (*gin. u. circe*), ciabh, ciall, cfoch, cfor, cliath, cloch, cluas, cnámh, corr (*éan*), cos, creach, críoch, croch, cros, cruach (*stáca arbhair, etc.*), crúb, cuach (*éan; snaidhm*), cúb, cúileann, cumhal, dámh, dealbh, dealg, dias (*croithleog eorna, etc.*), dídean, dfog, doineann, droimeann, drong, dronn, fleasc, gág, gal, gaoth, géag, gealt, geanc, gearb, gfog, glac, gríobh, lámh, lann, lasc, leac, leath, liach (*ladar*), lúb, luch, méar, mias, muc, pluc, preab, preiceall, punann, scaoth, sceach, sceed, sciath, sclamh, scréach, screamh, scuab, searc, slat, sméar, soineann, spág, speach, speal, sreang, srón, stríoc, subh, tallann, téad, tuath

4     **binn** deoir, ealaín, seoid

5     **súil** ainimh, dúil, glúin

6     **cill** anachain, bárhainn, creig, geis, gruaim, stuaim, rinn, roinn (*iol. ranna*)

7     **breab** blaosc, driog, fadhb, fead, glam, leadhb, pléasc, sceamh, sprioc

8     **áit** *aonsiollaí de ghnáth*: adhairt, aghaidh, ailp, áith, aois, béim, beirt, breis, breith, buaic, céim, ceird, ceist, ciumhais, clais, cleith, cóip (*gach brí*), coir, cruimh, cuairt, cuil, cuilt, cúirt, cúis, deis, dóigh, draid, druid, duais, feidhm, feirc, feis, ffs, fuaim, geit, glib, gluais, gnúis, gráig, grainc, im (*f*), leid, léim, luibh, maidhm, maoil, méid (*toirt. Féach 24.26*), mfr, miúil, móid, moing, náid, nimh, núis, páirc, páirt, péist, pis, pluais, pluid, ruaig, scáil, scair, scoil, scoilt, seift, snaidhm, sráid, sraith, stailc, suim, taoisc, teip, téis, treibh, uaigh, uaimh, veist.

9     **pingin** *ilsiolaí de ghnáth*: abairt, agóid, aicfid, aimsir, aisling, ascaill, baithis, balcais, balcóid, beagnit, beairic, blagaid, bolgóid, braillín, brionglóid, buatais, cailfs, cáipéis, constaic, contúirt, deabhóid, diallait, díospóid, duirling, eaglais, éarlais, earráid, éirim, eiseamláir, fáithim, faoistin, fearsaid, feithid, feoirling, foraois, inchinn, insint, intinn, ioscaid, iris (*gach brí*), lámhainn, léaráid, liathróid, losaid, máchail, maintín, muin, neascóid, oifig, óinmhid, óráid, oscailt, patraisc, peannaid, pearóid, preafáid, proinn, rámhainn,



réabhlóid, reilig, rithim, sacraimint, scilling, scríbhinn, seachtain, snáthaid, sochraid, teoiric, tionóisc, tochailt, tuaipéis, tuairisc, uallfairs, uirlis, uisinn, urchóid, úsáid, vearnais.

10 **craobh** fréamh, iall, infon, nead, screab, splanc, stiall

11 **feirm** ainnir, arraing, baclainn, baic, bainis, béic, carraig, ceirt, cfréib, cistin, cling, clúid (*cúil*), coirm, coirt, colainn, comaoin, conairt, cuing, ding, dris, eagaois, fáir, fallaing, féith, foirm, gairm, geir, guais, iargúil, iothlainn, lánúin, maidin, malairt, muinín, muintir, muirín (*clann*), pailm, scairbh, scráib, seir, speir, splinc, stéig, stoirm, stróic, uaill, uain, uillinn, ursain.

12 **pian** brúon (*gach brí*), búon, grian, mian, sian, sfon, spíon, steall, tonn.

13 **coill** aill, bléin, broinn, gin, linn, saill, scrín, slinn.

14 **tír** aoir, gáir, spéir, stair.

*Leis an dara díochlaonadh freisin a bhaineann ainmneacha bhunáite na dteangacha agus na dtíortha dar críoch consan caol: Francís, Laidin: an Ghearmáin, an Iodáil. (Eisceacht: Albain, atá sa chúigiú díochlaonadh.)*

### Cásanna Éagsúla

diamhair, -e, diamhra; seamair, seimre, seamra; fiacail, -e, fiacra; scian, scine, sceana; saighead, saighde, saigheada, saighead; deoch, dí, -anna; loilíoch, loilí, -a, loilíoch; dabhach, daibhche, dabhcha; dumhach, duimhche, dumhcha; tulach, tulaí, tulcha.

culaith, -e, cultacha; ladhar, laidhre, ladhracha; leitir (*cliathán cnoic*), leitre, leitreacha; meadar, meidre, meadracha; meitheal, meithle, meithleacha; obair, oibre, oibreacha; paidir, paidre, paidreacha; sceimheal, sceimhle, sceimhleacha; ubh, uibhe, uibheacha; daigh, -e, daitheacha; fraigh, -e, fraitheacha.

éalang, éalainge, -aí; aibítir, aibítire, aibítirí; caibidil, caibidle, caibidlí; eipistil, eipistle, eipistlí; grideall, gridille, gridillí; inis, inse, insí; seicin, seicne, seicní; sluasaid, sluaiste, sluaistí; stroighin, stroighne, stroighní; loighic, loighce, —; gualainn, -e, guaillí

cuigeann, cuiginne, cuigne; coinneal, coinnle, coinnle; geimheal, geimhle, geimhle; foireann, foirne, foirne; rufleas, rufse, —; caingean, caingne, caingne.

gréith, -e, -e; tréith, -e, -e; troigh, -e, troithe.

sliabh (*f*), sléibhe, sléibhte; cadhain, caidhne, caidhnte; uair, uaire, uaireanta *nó* uaire (9.4).

roinnt, -e, rannta; ruaim, -e, ruamanna; teach (*f*), tí, tithe.

## AN TRÍÚ DÍOCHLAONADH

**8.37** Is iondúil go ndeilbhítear an ginideach uatha ón ainmneach uatha trí *-a* a chur leis (arna leathnú de réir rialacha 6.3 más gá sin). Lena chois sin is gnách go ndéantar *-ea-* de *-io-* in aonsiollaí.

Tá sé le tuiscint gur baininsneach na hainmfhocail a leanann na huimhreacha 2, 3, 4, 6, 7, 8, 10 agus gur firinsneach na cinn eile mura gcuirtear a mhalairt in iúl.

Is iad seo a leanas na príomh-infhilteacha:

	<i>ain. u.</i>	<i>gin. u.</i>	<i>ain. iol.</i>	<i>gin. iol.</i>
1	tréad	tréada	tréada	tréad
2	muir	mara	mara	
3	feadhain	feadhna	feadhna	
4	léacht	léachta	léachtaí	
5	bádóir	bádóra	bádóirí	
6	canúint	canúna	canúintí	
7	bagairt	bagartha	bagairtí	

8	barúil	barúla	barúlacha
9	ceacht	ceachta	ceachtanna
10	cuid	coda	codanna

*I ngach ceann de na deich liosta seo a leanas, infhilltear gach focal mar a infhilltear an focal a bhfuil cló trom air ag barr an liosta:*

- 1     **tréad** altram, aos, béas, coinsias, Connachta (*iol.*), cuibheas, díol, dol, dreach, dreas, éad, éag, feart, fosc, fuath, gean, gréas, gus, leas, meath, rath, ráth (*urra*), snámh, sníomh, suth, tál, teas, tost, treas.

Níl aon uatha ag *Connachta*: i g*Connachta*, *Cáige Chonnacht*.

- 2     **muir**  
bith (*f*), cóir (*ceart*), cuaird (*féach* Cúirt Chuarda), flaith (*f*), fothain, luaith, mil, síocháin, toil.

□ *ilsiollaí baininsneacha atá ar aon fhoirm le hainmneacha briathartha dar críoch*

-ain, -áin, -aint, *agus corrcheann eile*: argain, cantain, foluain, eadráin, cosaint, *etc.*:

foghlaím, seinm.

- 3     **feadhain** diachair, dúluachair, Eoraip, gamhain (*f*), macasamhail.

- 4     **léacht**

□ brúcht (*f*), dréacht (*f*), drúcht (*f*), éacht (*f*), lucht (*f*) (*lasta*), smacht (*f*), aíocht, bleacht, créacht, cruacht, cumhacht, liacht, ócht, ríocht, saíocht, teocht; comhlacht (*f*), complacht (*f*), gnólacht (*f*), imeacht (*f*); *mórán ilsiollaí baininsneacha dar críoch* -cht: bantracht, cáilíocht, gluaiséacht, mallacht, *etc.*

□ ab (*f*), Cáisc, cearn, dáil, eang (*f*), foc (*f*) (*díol*), máistreás, maitheas, mionn (*f*), rámh (*f*), rás (*f*), riast (*f*), roth (*f*), rud (*f*).

□ *focail atá ar aon fhoirm le hainmneacha briathartha dar críoch* -chan: athnuachan, buachan, *etc.* *Eisceacht*: maidne**ach**an, *atá sa chéad díochlaonadh*.

5     **bádóir** *ilsiollaí firinsneacha dar críoch* -aeir, -éir, -eoir, -óir, -úir: grósaeir, siúinéir, feirmeoir, uaireadóir, dochtúir, *etc.* *agus corrfhocal eile*: altóir (*b*), seanmóir (*b*), buachail, Diarmaid, rith, toirbhirt (*b*).

6     **canúint** *focail dar críoch* -áint, -úint *agus corrfhocal eile*: taispeáint, tiomáint, leanúint, oiliúint, *etc.*; tairiscint, tuiscint.

7     **bagairt** *ilsiollaí atá ar aon fhoirm le hainmneacha briathartha dar críoch* -irt: coscairt, fobairt, *etc.*

8     **barúil** *ilsiollaí dar críoch* -áil, -íl-, -úil *agus corrfhocal eile*: admháil, comhdháil, feadaíl, deachúil, *etc.*; éagóir, fíniúin, foghail, onóir, úim.

9     **ceacht** acht, dleacht (*b*), feacht, leacht (*gach brí*), locht, neacht (*b*), racht, reacht, slad, tocht, uacht (*b*), ucht; áth, bláth, both (*b*), cruth, dath, fáth, guth, ráth (*b*), ráth (*lios*), scoth (*b*), snáth, sruth, tráth (*iol.*-anna; -a *i bhfrásaí mar i dtrátha a trí a chlog*), úth; am, bladhm (*b*), cead, cíos, cnead (*b*), dream, drol, eas, gruth, loch, luach, lus, mám (*f; bearnas*), mám (*b; lán láimhe*), meas, modh, rang, ros (*ceann tíre*), scread (*b*), seal, seam, seas, slám, smeach, sos, taom.

10 **cuid** cith (*f*), crith (*f*), droim (*f*), fuil, greim (*f*), uaim.

### 8.38 Samplaí éagsúla le tréanialraí nó gan iolra

reic, -eanna; troid (*b*), -eanna; tóin (*b*) -eanna; anacair (*b*), anacra, anacraí; conradh, conartha, conarthaf; buairt (*b*), buartha, buarthaf; bliain (*b*), blianta nó bliana (9.4); cion (*coir*), -a, -ta; deoin, deonta; feoil (*b*), feolta; gleann, -ta; goin (*b*), gonta; leann, -ta; lionn, leanna, lionnta; nóin (*b*), nónta; reann (*b*), -ta; cluain (*b*), -te; móin (*b*), -te; anam, -acha; samhail (*b*), samhlacha; bior, beara, bioranna; cion (*grád*), ceana, - ; crios, creasa, criosanna; fios, feasa, - ;

lios, leasa, liosanna; riocht, reachta, riochtaí; sioc, seaca; slios, sleasa, sleasa; sliocht, sleachta, sleachta; smior, smeara, smearanna; sníodh, sneá, sneá; tóir (*b*), -eacha.

## AN CEATHRÚ DÍOCHLAONADH

**8.39** Foirm amháin san uatha, agus foirm amháin de ghnáth san iolra atá ag ainmfhocail an díochlaonta seo. Tá siad firinsneach mura bhfuil a mhalairt curtha in iúl.

Is iad seo a leanas na príomh-infillteacha:

	<i>uatha</i>	<i>iolra</i>		<i>uatha</i>	<i>iolra</i>
1	toitín	toitíní	5	trá ( <i>b</i> )	tránna
2	ciste	cistí	6	gé ( <i>b</i> )	géanna
3	rí	ríthe	7	baile	bailte
4	oibrí	oibrithe			

*I ngach ceann de na seacht liosta seo a leanas infhilltear gach focal mar a infhilltear an focal a bhfuil cló trom air ag barr an liosta.*

### 1 **toitín**

□ focail fhirinsneacha dar críoch -ín: cailín, gairdín, etc. (*ach féach 8.31*).

Sa dara díochlaonadh atá corrfhocal baininsneach dar críoch -ín: *brailín, ealaín, mainín, muinín, muirín* (clann)

□ dornán focal firinsneach dar críoch consan: anraith, cion (*cuid*), clinic, giúistís, píoráid, rithim, soicind, uncail

□ mórán focal firinsneach dar críoch -a (*ar lorg consain*): bata, céachta, siopa, etc.

□ dornán focal baininsneach dar críoch -a (*ar lorg consain*): bantiarna, bearna, beatha, ceárta, comhla, cónra, cora, cuideachta, eagla, eagna, eala, easpa, eorna, freanga, lorga, ola, réalta, uireasa.

## 2 **ciste** *Focail dar críoch -e (ar lorg consain):*

□ *firinscneach:*

• *focail dar críoch -áiste:* coláiste, oráiste, sáiste, etc.

• *ainmneacha gníomhaithe dar críoch -ire:* cócaire,  
timire, etc.

• *mórán focal eile:* bairille, baiste, béile, blúire,  
bríste, buille, ciste, cleite, cluiche, cnaipe, cóiste, file,  
gáire, machaire, paiste, pointe, ribe, ríste, seilide, smíste, staighre,  
tuisle, uisce, etc.

□ *baininscneach:*

• *ainmneacha teibí:* deirge, laige, meirbhe, oidhe

• *mórán focal eile:* aicme, áirse, aiste, bunáite,  
cuilthe, cuisle, eite, eitre, faiche, fáilte, gloine,  
lascaine, loine, muinchille, sláinte, taibhse, táille, taoide, timpiste,  
tréimhse, tubaiste, etc.

3 **rí** *aonsiollaí (ach amháin ní) dar críoch -í, -aoi:* baoi, croí, daoí, dlí, draoi, saoi, sí  
(*gach brí*), braoi (*b*), faí (*b*), laoi (*b*), tuí (*b*).

## 4 **oibrí**

□ *mórán ilsiollaí firinscneacha:* amhránaí, rúnaí, etc.

□ *dornán ilsiollaí baininscneacha (ainmneacha teibí de ghnáth):* ábhaillí, amaidí,  
geantraí, goltraí, imní, mearaí, suantraí, suirí, todhchaí  
ní (*rud*).

## 5 **trá**

□ *firinscneach:* brá (*giall*), feá (*fad áirithe*); ae, tae; glao, lao; ceo; cnó, dó; brú, cú,  
criú, liú, scriú, sú, tlú; bia, fia, lia, nia; bua, stua; bogha, fogha, logha, togha, etc.

□ *baininsneach*: bá (*cuan*; *dáimh*), feá (*crann*), fleá, íomhá, meá, sleá; bró; grua, tua; rogha, etc.

6 gé bus, blogh, ceant, club, dháréag, feac, giob, pas, seans, snáithe, sonc, steanc, stop, téacs, tram, triuf, cé (*b*) cré (*b*), ré (*b*), spré (*b*, *crodh*).

7 baile féile (*b*), fine (*b*) léine (*b*), mife, sloinne, tine (*b*), tuile (*b*).

#### 8.40 Samplaí éagsúla

airí, -onna; aoi, aionna; brí (*b*), -onna; caoi (*b*), caionna; graí (*b*), -onna; guí (*b*), -onna; laí (*b*), -onna; naí, -onna; ga, -thanna; feic, -eanna; méid (*cainníocht*), -eanna; seic, -eanna; seilf (*b*), -eanna; veain (*b*), -eanna.

cró, -ite; crú, -ite; gró, -ite; rá, -ite; slua, -ite.

ainm, -neacha; achainí (*b*), -ocha; cine, ciníocha; cláí, -ocha; cliamhain, -eacha; cneá (*b*), -cha; dosae, -acha; faillí (*b*) -ocha; giorria, -cha; impí (*b*) -ocha; lí (*b*), -ocha; spré (*b*; *drithle*), -acha.

aturnae, -tha; contae, -tha; pósae, -tha.

aithne (*b*; *ordú*), aitheanta; dorú, doruithe; duine, daoine; fáidh, fáithe; gabha, gaibhne; gnó, -thaí; láí (*b*), lánta; máistir, máistrí; ministir, ministrí; ofche (*b*), -anta; slí (*b*) slite; sram, -aí; sirriam, -aí; tráthnóna, tráthnónta.

Sa díochlaonadh seo freisin atá:

□ *ainmneoirí na gcodán*: aonú, aonuithe; dóú, dóithe; tríú, tríthe; ceathrú, ceathruithe (*in ainmneoirí móra*); cúigiú, cúigithe; séú, séithe; seachtú, seachtuithe; ochtú, ochtuithe; naoú, naoithe; deichiú, deichithe, etc.

□ *iolraí laga*: bó (*b*), ba, bó; bruach, -a-, bruach; grásta, grásta, grást; neach, -a-, neach.

□ *roinnt focal éagsúil nach gnách iolra a bheith acu*: cáfraith (*b*), cruach (*b*; *miotál*), cumha, deann, dóthain (*b*), feadh, geab, gorta, iomad, iomaidh (*b*), lear, lucht (*daoine*), oiread, tobac.

□ *ainmneacha litreacha na haibítire*: bé, eif, etc.

□ *beagnach gach ainm pearsanta baineannaigh, agus gach ceann fireannaigh dar críoch consan caol nó guta (8.17)*.

□ *na huimhreacha dó, trí, etc... deich agus déag (iol. -a) nuair a úsáidtear mar ainmfhocail iad. Is firinsneach dóibh*.

## AN CÚIGIÚ DÍOCHLAONADH

**8.41** Seo na príomhshlite chun an ginideach uatha a chumadh ón ainmneach uatha sa chúigiú díochlaonadh

□ leathnú a dhéanamh: *abhainn, abhann*

□ litir nó grúpa litreacha a chur leis: *ceathrú, -n; cathaoir, -each*

□ leathnú agus litir nó grúpa litreacha breise: *beoir, beorach*

□ coimriú agus litir nó grúpa litreacha breise: *cuingir, cuingreach*

□ coimriú agus leathnú agus litir nó grúpa litreacha breise: *cabhail, cabhlach*.

**8.42** Mura bhfuil a mhalairt curtha in iúl is baininsneach na hainmfhocail. Is iad seo a leanas na príomh-infhillteacha.

	<i>ain. u.</i>	<i>gin. u.</i>	<i>iol.</i>
1	beoir	beorach	beoracha
2	cabhail	cabhlach	cabhlacha
3	cuingir	cuingreach	cuingreacha
4	ceathrú	ceathrún	ceathrúna
5	tríocha ( <i>f</i> )	tríochad	tríochaidí



*I ngach ceann de na cúig liosta seo a leanas infhilltear gach focal mar a infhilltear an focal a bhfuil cló trom air ag barr an liosta:*

- 1      **beoir** cáin, céir, coróin, craein, cráin, cúil, dair, draein, gráin, inneoin, láir, riail, stiúir, traein, treoir, triail
- 2      **cabhail** cabhair, carcair, cathair, cealtair, cosair, easair, eochair, lasair, meabhair, nathair, saltair, siocair, srathair
- 3      **cuingir** ithir, litir, loinnir, mainistir, oitir, uimhir
- 4      **ceathrú** céimseata, comharsa, deachú, dearna, monarcha, pearsa
- 5      **tríocha** caoga, seasca, seachtó, ochtó, nócha.

*Ainmfhocail eile:*

fiche (*f*), -ad, fichidí nó fichid (**9.4**); *tabh. uatha leithleach* fichid *sa fhrása* ar fhichid.

*Samplaí d'úsáid an fhocail fiche: ar fhiche punt; spás fiche lá; costas (an) fiche bó; leis an bhfiche fear; trí leabhar fichhead (ar fhichid, is fiche); trí cinn fhichead; an seachtú lá fichhead; tá sé sna fichidí; tá sé na ceithre fichid.*

caora, -ch, caoirigh, -ch, a chaoracha (*gair. iol.*); casla, -ch, -cha; cátaoir, -each; cathaoir, -each, -eacha; eiscir, eascrach, eascracha; fóir (*imeall*), -each, -eacha; láthair, láithreach, láithreacha; tinfí, -each, -eacha

araf, -on, -onacha; díle, -ann, dílí; ealta, -n, -í; Éire, -ann, Éirinn (*tabh.*); ionga, -n, ingne;

leite, -an, leití; meanma, -n, meanmna; faocha, -n, -in, -n; lacha, -n, -in, -n

abhainn, abhann, aibhneacha; Albain, Alban; Árainn, Árann; athair (*f*), athar, aithreacha;

bráid, brád, -e; bráthair (*f*), bráthar, bráithre; cara (*f*), -d, cairde; deartháir (*f*), dearthár, -eacha;

máthair, máthar, máithreacha; Mumhain, Mumhan; namhaid (*f*) namhad, naimhde; Nollaig, Nollag, -í; teorainn, teorann, -eacha.

*Is iolraí laga gan foirm uatha Laighín, Ulaídh. Ní úsáidtear na foirmeacha Laighín, Ulaídh, Laighníbh, Ulaíbh, ná an seanuatha Mumha sa ghnáthchaint anois: Cúige Laighean (Uladh, Mumhan); ag imirt do Chúige Laighean; muintir Laighean, etc. is mó a deirtear. Deirtear freisin an (den, don, sa) Mhumhain.*

**Ainmfhocail Neamhrialta**

**8.43** Níl ach dornán focal neamhrialta ann taobh amuigh de chinn atá ar aon fhoirm le hainmneacha briathartha: bean (*b*), mná, mná, ban; deirfiúr (*b*), deirféar, -acha; dia (*f*), dé, déithe; lá (*f*), lae, laethanta; leaba (*b*), leapa, leapacha; mí (*b*), -osa, -onna; olann (*b*), olla; siúr (*b*), -ach, -acha; talamh (*f*), talaimh (*f*) nó talún (*b*), tailte; ua (= *garmhac*) nó Ó (*i sloinnte*), uí nó Uí (*gin. u., ain. iol*), Ua nó Ó (*gin. iol*)

**8.44** A lán de na hainmfhocail atá ar aon fhoirm le hainmneacha briathartha infhilltear iad de réir ceann éigin de na cúig dhíochlaonadh: *réiteach*, *réiti gh*, *réiti gh*, *réiteach*; *oscailt*, *oscailte*, *oscailtí*; *íobairt*, *íobartha*, *íobairtí*; *dó*, *dónna*; *trial*, *trialach*, *trialacha*.

Bunáite na bhfocal sin, áfach, ní de réir aon cheann de na cúig dhíochlaonadh a infhilltear iad. Seo na príomh-infhillteacha atá acu: